

Na osnovu člana 7. Zakona o igrama na sreću („Službene novine Federacije BiH“, br. 48/15 i 60/15 – Ispravka) i člana 6. Uredbe o kriterijima za utvrđivanje korisnika i načinu raspodjele dijela prihoda ostvarenih na osnovu naknada za priređivanje igara na sreću („Službene novine Federacije BiH“, br. 89/15, 11/17 i 87/22), Federalno ministarstvo kulture i sporta raspisuje

JAVNI KONKURS za raspodjelu dijela prihoda ostvarenih na osnovu naknada za priređivanje igara na sreću

Iz dijela prihoda ostvarenih u Budžetu Federacije Bosne i Hercegovine na osnovu naknada za priređivanje igara na sreću, Federalno ministarstvo kulture i sporta raspisuje Javni konkurs za prikupljanje zahtjeva za dodjeljivanje sredstava u svrhu finansiranja/sufinansiranja projekata i programa koji se odnose na:

- **promovisanje kulture**
- **promicanje razvoja profesionalnog i amaterskog sporta s ciljem povećanja sredstava fonda za nagrađivanje za istaknute sportske rezultate.**

I Pravo učestvovanja

Pravo učestvovanja na Javnom konkursu imaju udruženja građana i humanitarne organizacije utemeljeni u skladu s važećim propisima o udrugama i fondacijama, koje imaju sjedište na teritoriju Federacije Bosne i Hercegovine.

Na javni natječaj može se aplicirati isključivo s projektima koji će biti realizirani u 2025. godini.

II Opšti i posebni kriteriji

Opšti kriteriji

1. Broj kalendarskih godina poslovanja korisnika sredstava
2. Broj realizovanih programa i projekata koje su finansirali drugi organi uprave
3. Preporuka stručnjaka (najmanje jedna) ili nadležne institucije iz oblasti na koju se projekt odnosi
4. Udjel vlastitih sredstava u finansiranju predmetnog projekta
5. Broj pozitivnih izvještaja iz ranijeg perioda za dodijeljena sredstva u skladu s *Uredbom o kriterijima za utvrđivanje korisnika i načinu raspodjele dijela prihoda ostvarenih na osnovu naknada za priređivanje igara na sreću* (mogu se prihvatiti potvrde, obrazac Komisije o prihvaćenom izvještaju ili mail iz kojeg je vidljivo da je izvještaj prihvaćen).

Posebni kriteriji

Federalno ministarstvo kulture i sporta je u skladu s članom 3. stav (2) *Uredbe o kriterijima za utvrđivanje korisnika i načinu raspodjele dijela prihoda ostvarenih na osnovu naknada za priređivanje igara na sreću („Službene novine Federacije BiH“, br. 89/15, 11/17 i 87/22)* utvrdilo posebne kriterije, koji će, zajedno s opštim kriterijima biti osnov za ocjenu i izradu prijedloga raspodjele kandidiranih projekata i programa iz oblasti.

I Aplikanti se mogu prijaviti na sljedeće programe unutar oblasti “Promovisanje kulture”:

1. Projekti koji uključuju osobe i udruženja s invaliditetom (uz dokaz: potpisan sporazum, ugovor s navedenim udruženjima)
2. Projekti koje realizuju udruženja s invaliditetom
3. Projekti koje realizuju udruženja nacionalnih manjina
4. Projekti koji podupiru autore u oblasti književnosti
5. Projekti koji podupiru mlade umjetnike u oblasti likovne, muzičke i scenske umjetnosti
6. Projekti koji podupiru kulturu u arhitekturi i društvu
7. Projekti koji podupiru međureligijski kulturni dijalog

Posebni kriteriji za sve programe u okviru oblasti “Promovisanje kulture”

1. Geografska zastupljenost učesnika u projektu (*dokaz je isključivo potpisana potvrda o učestvovanju u projektu, mail potvrde učestvovanja ili sporazum u kojem je navedeno mjesto i adresa učesnika, naglašeno učestvovanje u projektu kojim se aplicira*)
2. Preporuke donatora o uspješno realizovanim projektima u protekloj godini
3. Osigurana vidljivost realizacije projekta s kojim se aplicira (web stranice, medijski natpisi, društvene platforme, sporazumi s medijima ili tv prilozi, X platforma)
4. Korisnik sredstava je registrovan za oblast na koju aplicira za obavljanje i djelatnosti iz oblasti kulture (priložiti Izvod iz registra, Rješenje o razvrstavanju - klasifikacija djelatnosti, Statut ili neki drugi dokument koji dokazuje opis djelatnosti Udruženja)

Posebni kriteriji po programima u okviru oblasti “Promovisanje kulture” vidljivi su u *Uputstvu korisnicima o priloženom popisu dokumentacije i numerisanju dokumentacije koji je dostupan na web stranici Ministarstva.

II Aplikanti se mogu prijaviti na sljedeće programe u oblasti „Promicanje razvoja profesionalnog i amaterskog sporta s ciljem povećanja sredstava fonda za nagrađivanje za istaknute sportske rezultate”:

1. Organizovanje međunarodnih turnira/takmičenja u Federaciji BiH
2. Organizovanje turnira/takmičenja koja nemaju međunarodni karakter
3. Odlazak na međunarodne turnire/takmičenja
4. Osiguranje uslova za razvoj amaterskog sporta
5. Osiguranje uslova rada sportskih društava

Posebni kriteriji po programima u oblasti „Promicanje razvoja profesionalnog i amaterskog sporta s ciljem povećanja sredstava fonda za nagrađivanje za istaknute sportske rezultate“:

1. Organizovanje međunarodnih turnira/takmičenja u Federaciji BiH

1. Ovjerena potvrda o sudjelovanju planiranih sudionika u predloženom projektu/programu/takmičenju
2. Međunarodna takmičenja – saglasnost;
3. Međunarodni turniri/takmičenja koji uključuju osobe s invaliditetom (vidljivost iz projekta)
4. Preporuke krovnog saveza kojemu aplikant pripada;
5. Detaljno obrazloženje potrebe za realizovanje projekta i jasno definisan izlazni rezultat projekta; Precizno definisane i obrazložene ciljne skupine, Izravna povezanost predloženog projekta i programa s prethodnim aktivnostima udruženja građana/humanitarne organizacije/saveza/kluba
6. Korisnik sredstava je registrovan i za obavljanje djelatnosti iz oblasti sporta (priložiti Rješenje o razvrstavanju - klasifikacija djelatnosti ili je u Rješenju navedena i djelatnost za koju aplicira)

2. Organizovanje turnira/takmičenja koja nemaju međunarodni karakter

1. Potvrda o učetstvovanju planiranih učesnika u predloženom projektu/programu/takmičenju;
2. Projekti/programi/takmičenja koji se organizuju na nivou opštine, županije/kantona, Federacije BiH i Bosne i Hercegovine;
3. Broj učesnika u projektu/programu/takmičenju;
4. Turniri/takmičenja koji uključuju osobe s invaliditetom (vidljivost iz projekta/programa).
5. Detaljno obrazloženje potrebe za realizovanjem projekta/programa/takmičenja i jasno definisan izlazni rezultat projekta; Precizno definisane i obrazložene ciljne skupine; Izravna povezanost predloženog projekta i programa s prethodnim aktivnostima udruženja građana/humanitarne organizacije/saveza/kluba.
6. Korisnik sredstava je registrovan za obavljanje djelatnosti iz oblasti sporta (Rješenje o razvrstavanju – Klasifikacija djelatnosti, original ili kopija ovjerena u opštini ili u notarskom uredu).

3. Odlazak na međunarodne turnire/takmičenja

1. Dokaz da je aplikant ostvario uslove, isključivo prethodne kvalifikacije, za odlazak na takmičenje (*lista učesnika na kojoj je i aplikant; listu ne potpisuje aplikant nego onaj tko organizuje takmičenje uz dokaz da je navedeno takmičenje u kalendaru organizovanih takmičenja*)
2. Takmičenja koja organizuju evropske ili svjetske federacije u navedenom sportu (uz dokaz)
3. Odlazak na Olimpijske i Paraolimpijske igre (*dokaz*)
4. Međunarodni turniri/takmičenja koji uključuju osobe s invaliditetom (vidljivost iz projekta)

5. Detaljno obrazloženje potrebe za realizovanjem projekta/programa/takmičenja i jasno definisan izlazni rezultat projekta; Precizno definisane i obrazložene ciljne skupine; Izravna povezanost predloženog projekta i programa s prethodnim aktivnostima udruženja građana/humanitarne organizacije/saveza/kluba
6. Korisnik sredstava je registrovan za obavljanje djelatnosti iz oblasti sporta (Rješenje o razvrstavanju – Klasifikacija djelatnosti ili je u Rješenju navedena i djelatnost za koju aplicira).

4. Osiguranje uslova za razvoj amaterskog sporta

1. Podrška projektima s ciljem osiguranja uslova za razvoj amaterskog sporta
2. Doprinos popularizaciji i razvoju sporta kod djece
3. Stvaranje uslova za razvoj sporta u Federaciji Bosne i Hercegovine
4. Detaljno obrazloženje potrebe za realizovanjem projekta/programa/takmičenja i jasno definisan izlazni rezultat projekta; Precizno definisane i obrazložene ciljne skupine; Izravna povezanost predloženog projekta i programa s prethodnim aktivnostima udruženja građana/humanitarne organizacije/saveza/kluba
5. Korisnik sredstava je registrovan za obavljanje djelatnosti iz oblasti sporta (Rješenje o razvrstavanju – Klasifikacija djelatnosti ili je u Rješenju navedena i djelatnost za koju aplicira)

5. Osiguranje uslova rada sportskih društava

1. Dugogodišnji kontinuitet programa/projekta (uz dokaz)
2. Dugogodišnji kontinuitet programa/projekta (uz dokaz)
3. Ostvareni sportski rezultati članova sportskog društva (uz dokaz)
4. Detaljno obrazloženje potrebe za realizovanjem projekta/programa/natjecanja i jasno definisan izlazni rezultat projekta; Precizno definisane i obrazložene ciljne skupine; Izravna povezanost predloženog projekta i programa s prethodnim aktivnostima udruženja građana/humanitarne organizacije/saveza/kluba
5. Korisnik sredstava je registrovan za obavljanje djelatnosti iz oblasti sporta (Rješenje o razvrstavanju – Klasifikacija djelatnosti ili je u Rješenju navedena i djelatnost za koju aplicira)

III Dokumentacija koju je potrebno dostaviti je sljedeća:

Obavezna dokumentacija:

1. Prijavni obrazac (mora biti na jednom od službenih jezika u Federaciji BiH i elektronski popunjen. Na kraju obrasca obvezno navesti mjesto, datum i potpis odgovorne osobe udruženja građana/humanitarne organizacije/saveza/kluba te ovjeriti pečatom udruženja građana/humanitarne organizacije/saveza/kluba
2. Izvod iz registra nadležnog ministarstva pravde, ne stariji od šest mjeseci od dana objave javnog konkursa (original ili kopija ovjerena u opštini ili u notarskom uredu)
3. Uvjerenje o poreznoj registraciji - ID broj (original ili kopija ovjerena u opštini ili u notarskom uredu)
4. Potvrda od banke u kojoj je:

navedeno da račun nije blokiran

iz koje se vidi broj transakcijskog računa i ID broj korisnika

ne starija od tri mjeseca od dana objave javnog konkursa (original ne stariji od tri mjeseca ili kopija ovjerena u opštini ili u notarskom uredu)

5. Posljednji godišnji obračun o finansijskom poslovanju koji je predan Finansijsko – informatičkoj agenciji, obračun za 2024. godinu (original ili ovjerena kopija u opštini ili u notarskom uredu)

6. Detaljan opis projekta (ovjeren pečatom aplikanta)

7. Dokaz o prethodno realizovanim projektima od drugih organa uprave ili donatora (dokazi o prethodno prihvaćenim izvještajima potpisanim i ovjerenim pečatom odgovorne osobe donatora ili mail korespondencija iz koje je vidljivo da su izvještaji o realizovanim projektima)

8. Dokaz da odgovorna osoba korisnika sredstava nije osuđivana za kaznena djela, osim za kaznena djela iz oblasti prometa **koji se dostavlja iz MUP-a** (original ili ovjerena kopija u opštini ili u notarskom uredu).

9. Ovjerena izjava pod punom materijalnom i kaznenom odgovornošću kojom odgovorna osoba korisnika sredstava potvrđuje da nije aplicirala s istim zahtjevom/projektom kod drugih nadležnih institucija temeljem Uredbe u tekućoj kalendarskoj godini (original ili ovjerena kopija u opštini ili u notarskom uredu).

Obavezna dokumentacija dokazuje formalno pravnu ispravnost i ukoliko nije uredna ili nedostaje neki dokument, projekt će se smatrati formalno pravno neispravnim i neće biti uzet u razmatranje za proces vrednovanja.

Dodatna dokumentacija za opšte kriterije:

- Potvrde drugih organa uprave o realizovanim programima i projektima
- Preporuke stručnjaka ili nadležne institucije koji su učestvovali u izradi predmetnog projekta;
- Izjava o udjelu vlastitih sredstava u finansiranju predmetnog projekta (ovjerena u opštini ili notarskom uredu);
- Prihvaćeni izvještaji iz ranijeg perioda za dodijeljena sredstva u skladu s Uredbom (potvrda organa uprave).

Dodatna dokumentacija za posebne kriterije:

Dodatna dokumentacija za „Promovisanje kulture“:

1. **Projekti koji uključuju osobe i udruge s invaliditetom (uz dokaz: potpisan sporazum, ugovor s navedenim udruženjima):**
 - Potpisan sporazum/ugovor saradnje sa osobama/udruženjima s invaliditetom u predmetnom projektu (priložiti)
 - Dokaz o geografskoj zastupljenosti učesnika u projektu (potvrda o učestvovanju, mail potvrde učestvovanja u projektu ili sporazum u kojem je navedeno mjesto i adresa učesnika);

- Potvrde donatora o podržanim projektima u protekloj godini (original ili ovjerena kopija);
- Rješenje o razvrstavanju - klasifikacija djelatnosti, Izvod iz registra, Statut ili neki drugi dokument koji dokazuje da je korisnik sredstava registrovan za program na koji aplicira i za obavljanje djelatnosti iz oblasti kulture (original ili ovjerena kopija u opštini ili u notarskom uredu).

2. Projekti koje realizuju udruženja s invaliditetom

- Potpisan sporazum sa svim navedenim partnerima u projektu (priložiti)
- Dokaz o geografskoj zastupljenosti učesnika u projektu (potvrda o učestvovanju, mail potvrde učestvovanja u projektu ili sporazum u kojem je navedeno mjesto i adresa učesnika);
- Potvrde donatora o podržanim projektima u protekloj godini (original ili ovjerena kopija);
- Rješenje o razvrstavanju - klasifikacija djelatnosti, Izvod iz registra, Statut ili neki drugi dokument koji dokazuje da je korisnik sredstava registrovan za program na koji aplicira i za obavljanje djelatnosti iz oblasti kulture (original ili ovjerena kopija u opštini ili u notarskom uredu).

3. Projekti koje realiziraju udruženja nacionalnih manjina

- Potpisan sporazum sa svim navedenim partnerima u projektu (priložiti)
- Dokaz o geografskoj zastupljenosti učesnika u projektu (potvrda o učestvovanju, mail potvrde učestvovanja u projektu ili sporazum u kojem je navedeno mjesto i adresa učesnika);
- Potvrde donatora o podržanim projektima u protekloj godini (original ili ovjerena kopija);
- Rješenje o razvrstavanju - klasifikacija djelatnosti, Izvod iz registra, Statut ili neki drugi dokument koji dokazuje da je korisnik sredstava registrovan za program na koji aplicira i za obavljanje djelatnosti iz oblasti kulture (original ili ovjerena kopija u opštini ili u notarskom uredu).

4. Projekti koji podupiru autore u oblasti književnosti

- Preporuke stručnjaka i strukovnih organizacija (original ili ovjerena kopija);
- Priznanja i nagrade mladih autora uključenih u projekat;
- Dokaz o geografskoj zastupljenosti učesnika u projektu (potvrda o učestvovanju, mail potvrde učestvovanja u projektu ili sporazum u kojem je navedeno mjesto i adresa učesnika);
- Potvrde donatora o podržanim projektima u protekloj godini (original ili ovjerena kopija);
- Rješenje o razvrstavanju - klasifikacija djelatnosti, Izvod iz registra, Statut ili neki drugi dokument koji dokazuje da je korisnik sredstava registrovan za program na koji aplicira i za obavljanje djelatnosti iz oblasti kulture (original ili ovjerena kopija u opštini ili u notarskom uredu).

5. Projekti koji podupiru mlade umjetnike u oblasti likovne, muzičke i scenske umjetnosti

- Preporuke stručnjaka i strukovnih organizacija (original ili ovjerena kopija);
- Priznanja i nagrade mladih autora uključenih u projekt;

- Dokaz o geografskoj zastupljenosti učesnika u projektu (potvrda o učestvovanju, mail potvrde učestvovanja u projektu ili sporazum u kojem je navedeno mjesto i adresa učesnika);
- Potvrde donatora o podržanim projektima u protekloj godini (original ili ovjerena kopija);
- Rješenje o razvrstavanju - klasifikacija djelatnosti, Izvod iz registra, Statut ili neki drugi dokument koji dokazuje da je korisnik sredstava registrovan za program na koji aplicira i za obavljanje djelatnosti iz oblasti kulture (original ili ovjerena kopija u opštini ili u notarskom uredu).

6. Projekti koji podupiru kulturu u arhitekturi i društvu

- Potpisan sporazum sa svim navedenim partnerima u projektu (priložiti)
- Pisani popis mladih učesnika u projektu s imenima i kontakt telefonima (*ovjeren pečatom aplikanta*)
- Dokaz o geografskoj zastupljenosti učesnika u projektu (potvrda o učestvovanju, mail potvrde učestvovanja u projektu ili sporazum u kojem je navedeno mjesto i adresa učesnika);
- Potvrde donatora o podržanim projektima u protekloj godini (original ili ovjerena kopija);
- Rješenje o razvrstavanju - klasifikacija djelatnosti, Izvod iz registra, Statut ili neki drugi dokument koji dokazuje da je korisnik sredstava registrovan za program na koji aplicira i za obavljanje djelatnosti iz oblasti kulture (original ili ovjerena kopija u opštini ili u notarskom uredu).

7. Projekti koji podupiru međureligijski kulturni dijalog

- Potpisan sporazum sa svim navedenim partnerima u projektu (priložiti);
- Pisani popis mladih učesnika u projektu s imenima i kontakt telefonima (*ovjeren pečatom aplikanta*)
- Dokaz o geografskoj zastupljenosti učesnika u projektu (potvrda o učestvovanju, mail potvrde učestvovanja u projektu ili sporazum u kojem je navedeno mjesto i adresa učesnika);
- Potvrde donatora o podržanim projektima u protekloj godini (original ili ovjerena kopija);
- Rješenje o razvrstavanju - klasifikacija djelatnosti, Izvod iz registra, Statut ili neki drugi dokument koji dokazuje da je korisnik sredstava registrovan za program na koji aplicira i za obavljanje djelatnosti iz oblasti kulture (original ili ovjerena kopija u opštini ili u notarskom uredu).

Dodatna dokumentacija za „Promicanje razvoja profesionalnog i amaterskog sporta s ciljem povećanja sredstava fonda za nagrađivanje za istaknute sportske rezultate“:

1. Dodatna dokumentacija za „Organizovanje međunarodnih turnira/takmičenja u Federaciji BiH“:

- Potvrde učestvovanja planiranih učesnika na turniru/takmičenju kojim se aplicira (mail adresa, kontakt podaci, pismo);

- Saglasnost Ministarstva civilnih poslova BiH za organizovanje međunarodnog takmičenja u BiH, a u skladu s članom 54. Zakona o sportu u Bosni i Hercegovini (Službeni glasnik BiH", br. 27/08, 102/09 i 66/16);
- Preporuka strukovnog saveza o značaju projekta/programa/takmičenja;
- Rješenje o razvrstavanju – Klasifikacija djelatnosti (original ili ovjerena kopija u opštini ili u notarskom uredu);

2. Dodatna dokumentacija za „Organiziranje turnira/takmičenja koji nemaju međunarodni karakter“:

- Potvrde učestvovanja planiranih učesnika na turniru/takmičenju kojim se aplicira (mail adresa, kontakt podaci, pismo);
- Preporuka strukovnog saveza o značaju projekta/programa/takmičenja za opštinu/županiju ili Federaciju BiH i Bosnu i Hercegovinu;
- Potvrda strukovnog saveza o ukupnom broju učesnika turnira/takmičenja;
- Rješenje o razvrstavanju – Klasifikacija djelatnosti (original ili ovjerena kopija u opštini ili u notarskom uredu).

3. Dodatna dokumentacija za „Odlazak na međunarodne turnire/takmičenja“:

- Potvrda Evropske međunarodne federacije ili krovnog saveza o ispunjenju uslova za odlazak na međunarodno takmičenje;
- Pozivnica, kalendar ili drugi dokument kojim se dokazuje održavanje međunarodnog turnira/takmičenja za koji se aplicira ili objava sa stranice Evropske ili Svjetske federacije o organizaciji međunarodnog takmičenja;
- Dokaz da je aplikant ispunio uslove za odlazak na takmičenje (pozivno pismo, potvrda od Olimpijskog ili Paraolimpijskog komiteta o ispunjenju uslova za odlazak na međunarodno takmičenje;
- Rješenje o razvrstavanju – Klasifikacija djelatnosti (original ili ovjerena kopija u opštini ili u notarskom uredu)

4. Dodatna dokumentacija za „Osiguranje uslova za razvoj amaterskog sporta“:

- Ovjerena izjava aplikanta o broju sportista uključenih u projekt/program (original ili ovjerena kopija u opštini ili u notarskom uredu)
- Ovjerena izjava aplikanta o razini provođenja sportskih aktivnosti (lokalni nivo, opštinski, kantonalni, FBiH i BiH) s ciljem razvoja sporta, (original ili ovjerena kopija u opštini ili u notarskom uredu)
- Rješenje o razvrstavanju – Klasifikacija djelatnosti (original ili ovjerena kopija u opštini ili u notarskom uredu)

5. Dodatna dokumentacija za „Osiguranje uvjeta rada sportskih društava“:

- Ovjerena izjava o kontinuitetu realizovanja projekta/programa (original ili ovjerena kopija u opštini ili u notarskom uredu)
- Ovjerena izjava o broju sportskih udruga/klubova sportskog društva ili službena evidencija sportskog društva (original ili ovjerena kopija u opštini ili u notarskom uredu)

- Ovjerena izjava o ostvarenim sportskim rezultatima članova sportskog društva udruženja/klubova ili službena evidencija ostvarenih sportskih rezultata članova sportskog društva (original ili ovjerena kopija u opštini ili u notarskom uredu)
- Rješenje o razvrstavanju – Klasifikacija djelatnosti (original ili ovjerena kopija u opštini ili u notarskom uredu)

Napomena:

Podnosilac zahtjeva može se prijaviti s jednim projektom iz pojedine oblasti, samo za jedno od 5 (pet) resornih ministarstava koja raspisuju javni konkurs za finansiranje projekata/programa iz sredstava dijela prihoda ostvarenih na osnovu naknada za priređivanje igara na sreću.

Prijave aplikanta moraju biti uredno elektronski popunjene uz dokumentaciju **poredanu i numerisanu** isključivo redoslijedom navedenim u skladu s ***Uputstvom korisnicima o priloženom popisu dokumentacije i numerisanju dokumentacije*** te isključivo spiralno uvezane.

Projekti moraju biti realizovani u kalendarskoj 2025. godini.

Udruženja građana i humanitarne organizacije, kao nosioci programa i projekata, podnose Federalnom ministarstvu kulture i sporta Zahtjev za dodjelu sredstava. Obrazac Zahtjeva za dodjelu sredstava se preuzima na web stranici Ministarstva www.fmks.gov.ba.

Obrazac Zahtjeva za dodjelu sredstava mora biti jasno i u potpunosti popunjen te ovjeren pečatom udruženja ili humanitarne organizacije koji potpisuje ovlaštena osoba. S aplikantima čije su prijave prihvaćene Ministarstvo zaključuje ugovore kojima će biti definisana međusobna prava i obveze ugovornih strana, a poseban akcent će biti stavljen na dodijeljena finansijska sredstva, te nadzor nad utroškom sredstava.

Najmanji iznos kojim aplikant aplicira može biti 3.000,00KM, a najveći 30.000,00KM.

IV Način podnošenja prijave

Prijave s odgovarajućom dokumentacijom šalju se isključivo poštom na adresu:

**FEDERALNO MINISTARSTVO KULTURE I ŠPORTA-FEDERALNO MINISTARSTVO
KULTURE I SPORTA**

Ul. Obala Maka Dizdara br. 2

71 000 Sarajevo

s obaveznom napomenom:

„Za Javni konkurs - sredstva ostvarena na osnovu naknada za priređivanje igara na sreću“ – sport NE OTVARATI

Naziv programa: Promovisanje kulture

„Za Javni konkurs - sredstva ostvarena na osnovu naknada za priređivanje igara na sreću“ – kultura NE OTVARATI

Naziv programa: Promicanje razvoja profesionalnog i amaterskog športa s ciljem povećanja sredstava fonda za nagrađivanje za istaknute športske rezultate

Na poledini koverta (ovjerene pečatom podnosioca prijave) obavezno navesti:

- naziv podnosioca prijave
 - adresu i kontakt telefon
- **Krajnji rok za dostavljanje Zahtjeva za dodjelu sredstava je 11. 4. 2025. godine, odnosno, prihvatit će se prijave koje imaju poštanski pečat najkasnije s navedenim datumom.**

Prijave će biti formalno-pravno neispravne i neće biti predmet daljnjeg razmatranja ukoliko:

- su neblagovremene,
- nije potpisala ovlaštena osoba i ako nisu ovjerene pečatom udruženja građana ili humanitarne organizacije,
- nemaju sve sadržajne elemente,
- dokumentacija nije numerisana prema Uputstvu,
- nisu ispunjeni uvjeti iz člana 12. Uredbe o kriterijima za utvrđivanje korisnika i načinu raspodjele dijela prihoda ostvarenih na osnovu naknada za priređivanje igara na sreću („Službene novine Federacije BiH“, br. 89/15, 11/17 i 87/22),
- ne ispunjavaju uvjete ovog Javnog konkursa.



Broj: 06-11-10-1348/25

Sarajevo, 26. 3. 2025. godine